



00 we

~ 21  
0

# Ein wahrhaftiger

tractat wie man das hochwirdig heyligthum verkunde  
vnd gewest in der heyligē stadt Trier ym thum. Dar bey  
die ware hystoria/wie das selb heyligthuz da hin kommē  
sey. Auch ein schöne taffel von allem heyligthum das zu  
Trier ist ym thum Mit höchstem fleyß zu samen gesetzt.  
Czu erten dem hochwirdigsten Fursten vñ hern hern Bei-  
charden Erzbischoff zu Trier vnd Churfursten. etc.

*geistl. Plan*



*Nürnberg 1512.  
Antw. v. d. Vogt. B.*

Hie findestu die weiß form vnd gestalt  
Wie manß heilthum im thum erzalt  
Auch die war historien da bey  
Wie das selb gen Trier komen sey  
So klerlich als werst gewesen dort  
Vnd die wordt herst selbs gehort  
Vormals habens groß fursten begert  
Czu sehen / vnd ist in nit beschert  
Das heiltumb vber alle massen  
Han wir gesehen an menger strassen  
Lob sey got dem grossen herren  
Der wil vnser beth geweren.  
Auch Maria die muter sein  
Die thu vns yrer gnaden scheyn  
Dar zu die ganz himlische schar  
Geleid die frumen pilger dar  
Hie mit wil ich das heilthum eren  
Auch von Trier mein gnedigsten herren.  
Welchs furstlich gnad dissem tractat  
Ein frolichs end gegeben hat  
Den behut got on alles leidt  
Hie / vnd auch dort in ewigkeit  
Dar zu sein edel richterschafft  
Bewar auch lang yn macht vnd krafft  
Mein gnedigen hern ym thumb  
Geben mir desß der warheit rumb  
Ich lob auch ein Ersamen Rade  
Der all ding weißlich geordent hat.  
Das wider heimisch noch frembder man  
Sich recht dar von beclagen kan.  
Auch die ersam vnd frum gemein  
Nem disß von mir zu danck allein  
Darumb wer nit wer komen dahin  
Dieser tractat sagt ym dem sin

Welchen ich hab thun probiren.  
Her Johan Enim meinem heren  
Rector der vniuersitet  
Der auch verkundet das heilig kleide  
Der gibe mir des sein war verkunde  
Das ich gesetzte hab den rechten grunde  
Vnd ist mit ganzem fleiß geschehen  
Auch mit der warheit wol versehen:  
Tausent funffhundert dreizeen iar  
Auff sant Symeons tag vorwar.  
Am letzten tag des grunen mey  
Behut vnß got vor bösem geschrey

1513.

¶ Wie vor einem Fursten vnd großen herren phlegen zu  
gehen Grauen/ Kitten vnd ander edel herren. Also auch  
vor dem heiligen Rock vnser erloßers Jesu christi/ sein  
ben kostlich stück gezeigt worden

¶ Zum ersten weisen vñ zeigen mein gnedigen herrē des  
hochwirdigen Stiffts in der heiligen stat Trier ein merck  
lich rōr von ein arm der allerheiligsten frauen vnd groß-  
mutter Jesu christi sant Annē/ welche würdig ist gewesen  
zu geberē die Keiserin der himel Mariā die würdigste mut-  
ter gots/ welche auch getragen vñ geboren hat Jesus chri-  
stum vnser erlöser/ Den selbigen hat diese heilige Sant  
Anna dick vnd oft getractiert vnd getragen in seinen iun-  
gen tagen auf diesem heilgē arme/ Dise ist ein milte troste  
ein aller betrüpten hertzen/ von welcher vil großer heiligē  
vrsprunglich komē sein/ wir wollen sie inniglich anruf-  
fen/ auch ire tochter Mariā die würdigste muter gotes/ dz  
sie vor vnß bittē woll. / vñ vnß erwerbē was vnß not vñ  
selig sey zu sele vñ leib/ Sie sein großlich verdient bey dem  
almachtigē got/ dan wir haben nit auff erdtreich von dē  
A ij

Röf Ausg  
S. Anna

leibe christi / So glauben wir miltigklich / das Maria die  
iunckfraw vñ muter gotes mit leibe vñnd sele zu himmel  
gefurt sey. Also ist dise würdigste sant Anna christo dez heu  
ren die nechest in der linien des geblütz. Darumb habē wir  
ein gut zuuersicht zu yr.

**C**zum andern weist man einē schwarzē heiligē stab des  
himelfursten vñ prinzen der aposteln Jesu christi sant pe  
ter / welchen der herr christ⁹ selber zu seinē stathalter vñ er  
sten abt zu Rom auserwelt hat / mit diesem heiligē stab  
ist vom tod erweckt wordē der heilige erzbischoff zu Tri  
er / Collē vñd auch bischoff zu Tungenen / sant matern  
mit namen / vñd lebte darnach bey . lxxxviij . iaren . vñd  
ist der stab gen Trier kommen wie her nach folget

**E**s hat sich begeben in dez yare do man schrib vñd chri  
sti geburt . liij . als sant peter ( nach dē er siebē iar in antio  
chia gewesen was / vñ do zu Rom ym achtē iare ) schickte  
drey heilige mēner seiner iungern die vast wol gelert wa  
rē / nemlich / Eucharium / Valeriu vñ Maternū / die stat  
Trier zu christlichē glaubē zu bringen mit dem lande dar  
vmb gelegen . Es hat sich begeben als sie komē sein in ein  
stetlein *Elegia* zu latein / vñd zu teutsch *Wel genāt* / drey  
meilē von Straßburg vngewerlich / ist der liebe vater ma  
ternus am feber krank wordē / vñ als die krankheit von  
tage zu tag zu nam / ist er da selbst gestorbē / vñ von seinē  
zweien gesellen Euchario vñ valerio traurigklich begra  
ben / diese zwen sein widerumb kart gen Rom zu yres her  
ren vñ meister sant peter / dem selben die vrsach yres wider  
kunft zuerzelen / dar zu einen andern gesellen begerende zu  
bekerung des wolckes / dan es daucht sie harneckig volck  
sein zu bekeren / sant Peter sprach / das ist darüb geschēhē  
Das die wunder gottes erscheinen mosten vñd soltē in sei  
nen heiligen zu nutz dem glaubē . Als der konigklich pro

phet dauid sprach. Mirabilis deus in sanctis suis. Vnd  
hat sie also widerumb hinder sich geschickt mit diesez hey  
ligen stab / vñ sprach sie soltē yn wider außgraben vñ den  
stab auffin legē. Als sie wid da hin kōmen sein / sein yn mit  
ler zeit xl. tag vergāgen / sie habē also gethā wie in sant pe  
ter befolē hat. Vñ eucharis hat diesen stab vff den toten  
leichnā gelegt also sprechend / vnser meister petrus gebent  
dir in dem namē Jesu christi du salt außsteen / vñ mit vnß  
gan das volck zu Trier helfen bekeren / Czu diesen wortē  
ist der lieb maternus vffgestandt der .xl. tag tod gewesen  
was vñ sein also mit einander frolich bis gen Trier kōmen  
mit diesem heiligē stab / welche stat do zumal nach vnglen  
big was. Nam aber den christen glauben bald an sich an  
xxi. iare nach dem tode Jesu christi / das findest du wā du  
xxiiij. iar nymbst von liij. Eucharis der heilige vater  
wart darnach erzbischoff zu Trier vñ lebt. xxiij. iar / Dar  
noch wart Valerius bischoff vñ bleib es xv. iar. Nach dē  
wart der heilige maternus bischoff / vñ wie er xl. tag tode  
gewesen was / lebt er im bischtumb vñ regirt loblich auch  
xl. iar den stift. Man list von ym das er an ein ostertage  
brey messen hielt / Ein zu Trier / die andern zu Collē / die  
drit zu Tügeren / wie wol das nit naturlich was / doch got  
dē herrē leicht vñ möglichen in seinē liebez heiligē sein wun  
derwerck lassen zuerscheynen vnd verhängen. Wir wollē  
anruffen den lieben herren sant Peter das er vnß woll auff  
wecken von dem schlaff der sunden

¶ Czum dritten zeigte meine gnedigē herren das gātz heil  
lig heupt des grossen himelfursten vnd patrons sant Ma  
thies / des gantzen teutzschen landes / dan wir habē keynē  
mehr ym teutzschē land vñ den aposteln christi / dan diese  
heiligē sant mathis. Auch ein besund patron des Stiffts  
Trier. Er ist erwelt wordē auß eingebung des heiligē ge  
stes vñ den andern iungern zu einē apostel in dy stat Jude  
24 ij

des böswichts vnd verreters vnser herren Jesu christi.  
Dis heilig heubt ist also gen Trier komen wie hernach stet  
von dem rock iesu christi. Als der heilige leichnā sant ma-  
this gen trier bracht wardt durch Agricuz Legt er yn do  
nach sant mathis closter ist/ vnd darnach vmb mergkli-  
cher vrsachen willen wart das heilig haubt mathie trans-  
feriert idē thuz /welch die haubt kirch ist /die gedechtniß  
helt man nach alle iar /vnd heist festum trāstationis capi-  
tis sancti Mathie. Wir wollen diesen vnsern heiligen pa-  
tron anruffen das er vnser fur sprecher wol sein yn der stū-  
den vnser lezten endes.

¶ Zum vierden. zeige man das ganz erwidigst heubt d  
allerheilisten Keyserin zu Rom gewesen sant helene /auch  
dar bey dy Keiserlich Kron welche sie getragē hat auff dieses  
yres heyligen heubt /Dyse helena die allerheiligste Keiserin  
hat der christenheit vil guts gethan / Man list von yr sie  
hab wol zwen vnd sibēzig heiliger stift got dem almech-  
tigen zugeeyget vñ herlich begabet /vnder welche d thum  
zu trier eins ist am allerhochten begabt mit dem köstli-  
chen schatz des heilthums Welcher thuz yr wonūg was  
sant Maximinus closter ist auch yre wonunge gewesen  
Diese heilige helena hat einen naturlichen gunst zu yrer ey-  
gestat dar yn sie gewonet hat. auch was yr Zlicher gena-  
hel Constantius zu Trier begrabē bey sant paulin in cam-  
po martio. Wir wollenn die heilige Keiserin helenam mit  
andacht anruffen / dan sie ist eins grossen verdiensts bey  
got dem almechtigen.

¶ Zum funffte zeigt man einen merckliche schatz /dar vñ  
sich die ganz christenheit möcht billich erfrewē des edeln  
gebeins der allerheiligsten iunckfrawen vñ marterin / ger-  
sponß Jesu christi sant barbara /welche /durch die ganze  
christenheit vast wol bekant ist. Man zeigt yr heiligst heil

thum in dem Fasten darin der heiligste vngeneyte Rock Je-  
su christi gelegē hat Es ist nun kurzlich erfundē im thum  
do mā sant Niclas altar ab brach vmb des bawes willen  
Vnd vil mehr ander heilthum/welchs auch bey end dyß  
tractats gezelt vnd genēt wirdt/mein gnedigen herrē mö-  
chten nit alles fasses nach billicheit vmb kurzheit der zeit  
willen wie nachmals geschēhē wirt. Es ist anch kein and  
heilthum in dez Fasten dan von dieser heiligsten braut Je-  
su christi/vñ solch da mit man die gantze christenheit zie-  
ren mocht Czum erstē sein da die zwey schuld bletter zum  
andern die zwey große rōrē von den heiligen armē. Czum  
dritten zwey große rōr von yren beyne. Czum vierdē drey  
mercklicher stuck von yrem heiligen rōck strang/vñ mehr  
ander kleine stuck. Diese heilige iunctfraw rufft man an  
vor dy bosen blattern vñ vor die pestilenz. Sie hat auch  
erlangt an yrem breutgam Jesu christo vor yrem end/do  
sie yr eigē vater wider ordnung der natur wolt richten vñ  
den kopff abschlagen nach anderer vil grosser marter/das  
alle die/die do yren abēt vastē oder feyrē yrē tag/das dy sel-  
bigē onwirdige entphaung des hochwirdigē sacraments  
des altars nit scheiden sollen auß diesem iamertal. Die sel-  
bigē wollen wir anruffen das sie vnß erwerbe ein seligs en-  
de. Wie wol yr heiligs heiligthuz nach nit recht gefast ist  
wie billich were/doch vmb der großen heiligkeit vnd eren  
willen zeigt mā es yezūd zu andacht vñ trost d christēheit

¶ Zum sechstē zeigt mā nit einē mindern schatz das hoch-  
wirdige heubt/oben vō der nasen hin auf die ganze hirn-  
schal des heiligen babst vñ martters sant Cornelij/darzu  
ein halbe ribe des selbigen lieben heiligē vnder einem kley-  
nē gleslein/der vnder teil diß heiligen haubts ist nit hie tzu  
Trier/wo es aber sey/lassen meine gnedigē herren bleiben.  
Dis hochwirdig heilthum ist auch gen Trier kōmen mit  
dem heiligsten rock Jesu christi vnd auch do bey funden.

Hig. 1. 764

Anno .M. cccc. xij. Wir wollen diesen grossen nothelffer  
vnd freunde gotes anruffen inniglich / das er vnß wol be-  
huten vor der grausamliehen Franckheit des hinfallendens  
sichtagen / vnd die / welche da mit behafft sein gnediglich  
erlösen

¶ Zum sibendē zeigt mā ein ser kostlich cleinet den hey-  
ligen leichnā ser nach ganz vnd ist sehr schön gebeind des  
heiligē erzbischofs sant matern / welcher als er xl. tag tod  
vñ begrabē was / vñ nach der erweckung vom tod auch xl  
iar das bischthum zu trier loblich regirt hat ist zu Collen  
gestorbē do er auch erzbischoff was Anno .C. xxvij. Als  
der heilig vater nun tod was. Sein die vō Trier / auch dy  
vō Turgern gen Collen kōmen / begerend iren bischoff zu  
haben des gleichē thesten die vō Collen / vñ yeder partey  
yn sunderheit. Als sie in solchem zwoytracht waren. Er-  
schein der engel gotes yn einer gestalt eins alten fromē vñ  
erlichen mānes / eins tugentlichē angesichts also sprēchē  
sie soltē den leichnā alleyn in ein schiff gesatz. vō dem land  
stossen auff den Rhein / wend dan dz schiff den spitz ad vor-  
derteil den rein hin ab soltē in die vō Turgern haben kett  
es widerumb zum land solten in die vō Collen behaltem  
Sur er aber den Rhein auff / soltē in die zu Trier habē. Des  
radt folgten sie / vñ fur das schiff ein gutte halbe meile dē  
rein vff on menschlich zu thun biß gen Roher kirch. Da  
schnit man in vff vnd bleib das ingeweide da / vñ also na-  
men die von Trier den heiligen leichnā vnd furten in mie  
freuden heym / vñ begruben yn bey dem closter / nach sant  
Mathis genant bey sein gesellen Eucharium vnd Valeri-  
um. Also finden wir auß allen vorgeschribnen puncten /  
das dieser heilig man bey hundert iaren alt was vor vñnd  
nach der erweckung vom tod.

¶ Darnach als man zalt .M. xxxvij. iar. Was ein Erz-

¶ Item ein warer Nagel des herren / der mit miracel bewerdt  
ist / dan als yn ein grosser herr wolt hinweck nemen / vnd einen  
der gleychen an die stat legt / sieng er also an zu bluten / das yn  
nyemandt mocht gehelffen / weder er selbs / mit widerlegung des  
Nagels / welchen ich vnwürdiger Joannes Adelpus Argentie  
nen Phisicus / zu vil malen gesehen hab / vn̄ sampt andern men  
schen als gewönlich ist / über mein augen lassen streychen.

## Wie das Heyltumb gen Trier kum men ist.

**S**olich obbestympt ersterfunden Heyltumb / ist im Thum  
stysst zu Trier / Achthundert vnd etlich Jar gelegen / Im  
hindern Chor Sant Nicolaus genandt / vnd darynen funden  
durch Bischoff Johan den ersten des n̄mens / vnd von im in  
den hohen fron Altar geleyet / auff sant philipp vnd Jacobs  
tag / in den foderen Chor / des man glaupliche ges. briffen vnd  
Bücher findet von alten Jar̄ her geschriben / vn̄ ich Adelpus  
obgenandt selb gelesen vnd funden hab / nemlich in gestis Tre  
uerorū / ein büch von der Trierischē hendel / im selben Chor an  
einer ketten gelegen / Vnd ist dis hochwirdig Heiltumb also ver  
borgen beliben in dē hohen Altar Dreyhundert vnd sechs vn̄ sy  
benzig jar / das ist zusamen gerechner / von der zeyt an als sant  
Silvester Babst zu Rom gewesen / Bis auff diese letzte erfindung  
zu Trier im Tumbstiff / Dan als man zalt von der geburt Chri  
sti des herren Dreyhundert vn̄ fier jar / was sant Silvester Babst  
vnd Constantinus der groß ein Keyser / des M̄ter dan was  
sant Helena / als da stett in Fasciculo temporū / vn̄ allen anderē  
Croniken / die zu Trier ir wonung gehabt haben.

## Von dem Rock des Herren.

**M**ocht aber ein fürwitziger fragen / wie doch der Rock  
gen Trier kummen sey / vnd ob es der recht ist / Dem gib  
ich Adelpus ein sölich antwort / vnd hab das funden in Sup  
plemento Cronicarū vnd in der Nurenbergischen grossen Cro  
niken mit den figuren / Das der vngeneet Rock vnser herren Je  
su Christi / im von der heyligen junckfrawen Maria gemacht /  
der eynem auß den Rittern vn̄ dienern Pilati zu theyl wardt im

spiel/wie dan solchs das Ewangeliū klerlich auß weyset/in der  
zeyt nach Christi geburt Sechshundert/ vnnnd vngenerlich bey  
Zwenzigjaren/darnach/ vnder dem Babst Bonifacio gefun-  
den/gantz vnuerseret/ Oder als der Cartheuser will in seynnem  
Fasciculo/ Funffhundert vñ Achzig iar / vnder Babst Pelagio  
mit fer von Jerusalem/ in der statt Saphat / in einer Marmo-  
r steynen Archen vō Gregorio dem Bischoff zu Antiochia/ Tho-  
man dem Bischoff zu Jerusalem/ vnnnd Johanne Bischoff zu  
Constantinopel erhaben/ vnd nach seiner erfindung in grossen  
wyrden vnd eren gehalten/vnd von dannen gen Jerusalem ge-  
fiert/vnd in ein Helffenbynen Archen gelegt worden/wie er dan  
yetz funden ist / Darüb ich dan das für ein geswartz ding ache-  
das man lyset/wie in Pilatus hab angehebt / vnd do man wolt  
verurteylen zu Rom / mocht man es nit thun / dan Egesippus  
der dā der juden hendel alle beschreibet/ hat nicht hie von gemel-  
det an keinem ort.

**D**arnach als die statt Iherusalem wider verloren wardt  
im jar nach der geburt Christi / Sechshundert vñ xliij.  
Vñ vō den Machometischē/ gewunnē kam er als glaublichē ist  
mit sampt anderm Heyltūb gen Cōstantinopel/vñ in d Türckē  
gewalt/Vñ ist do die gantz sag gewesen/auch noch zu den zeyt-  
ten Johannis de Monte villa/das er da sey/ Aber sy handt sich  
selber betrogen funden / Dan wie wolt der heylig Keyser Con-  
stantinus/vnd sein liebe Mutter Helena sollich groß Heyltumb  
hynder ynen lassen/Das sy so sawer vnd schwerlich überkamē  
Als das heylig Creutz/ die Kron / das Sper / vnnnd Nagel des  
Herre/vñ anders dz sy in diese landt pracht vñ auß geteylt habē  
do sy zum Heyligen Grab waren / So sy doch die Steyn des  
tempels Iherusalem lieffen von dannen führen gen Rom / do  
vil minder an lage weder an disem würdigen Heyltumb.

**D**arumb nyemadt das leychtlich sol wider sprechē/das er  
nit vall in vngenadt vnd straff Gottes / der alle ding zu  
Bequemlichen zeytten last fürkōmen nach seynem götlichen wil-  
len / Wir eren doch vill ander ding / das mynder zu achten ist  
weder das groß Heyltumb/vnd weniger kundtschafft / anzey-  
gung oder eygenschafft wissen/noch sehen/dan vō disem wir

digen Kleyd / Das die rein Edel hochgelobt jüekfraw Maria  
 mit ir selbsts handt gemacht oder gespänen hat / Als man billich  
 glaubt / Vnd der heylig diener gottes Joseph / im dick vnd vill  
 angeleget / vñ mit im auff erwachsen bis an sein heylig end / von  
 kindheit auff bis in sein alter / Itez die heylig fraw sant Anna  
 sant Maria Magdalena / sant Martha / sant Johannes / sant  
 Peter / vnd all ander Apostel / angryffen haben / Vnd das heyd  
 nisch frewlein dardurch / von dem flus gereyniget worden ist  
 Wer wolt dan den mit billich eren / vnd mit aller wörden vnd  
 ynnigkeit seyns hertzens Begeren zu sehen vnd süchen den heili  
 gen Rock / der Christo vnserm herin vñ Gott / sein zarten edlen  
 leib hat berüret / Dairn er hat geswizt / vñ villeicht in seiner mar  
 ter gebluttet / Des halb ich Adelphus billich sprechē mag / die hei  
 lig statt Trier / die doch mit dem blüt / so vil Tausent martreer ge  
 heyliget wordē ist / das menglich wissent ist / der do wonet / Vñ  
 aber in disem Büchlein / vmb kürze willen auß gelassen / Dann  
 vnser anschlag allein ist / von dem heyligen Kleyd / vnd würdi  
 gen heyleumb zu sagen / Das yetz vndt erst erfunden ist / Selig  
 heilig vnd gebenedeyt sey der tag d yser erfindung / Ich hoff er  
 bring vnß allen gluck vnd heyl / vnd vil gut vnd andacht / auch  
 merung / vnd zunemung / an geystlicheyt / vñ sterckung des glau  
 bens / Dan als der hochwirdig Herr zc. Bischoff zu Trier / am  
 pfingstag geweyhet vnd consecrirt worden ist / durch die höch  
 digen bischoffen von Metz / Straßburg vnd Wurms. Vnd  
 am andern tag darnach vor dem thum am morgē zu funff stun  
 den ein predig gethon dez volck / des ob vierzig tausent gewesen  
 Vnd darnach das genandt heylthumb gezeygt / sunderlich dye  
 größern hauptstück. Als hernach volget.

- ¶ Item sant Mattern ganz das oberteyl seins leybs.
- ¶ Item sant Cornelius haubt ¶ Item vnser frawen schleyer
- ¶ Itez das tüch do Christus in der kryppen eingewicklet wart
- ¶ Item vnd der heylig Rock vnser herren / vnd ein Würffel  
dar bey.
- ¶ Item vnd darnach den ganzen tag auff dem altar gezeygt.

B ij

## Wie der Rock gestalt sey.

**D**er Rock ist incōsutilis / das ist vngeneet / oder on nadt /  
als ich des von warhafftigen herren glauplichen schein  
gelesen hab / die in zum drittenmal hant eygentlich gesehen / Er  
ist rouchfarb / vnd zeucht sich merauff Braun oder dunckel roth  
dan grob / Er ist vast zart vnd lind / als ob er seyden were / Der  
eintrag vnd zettel ist gleych / von einem kleinen subtylen faden  
vnd scheyndt nit als ob er geweben sey / so scheynet er auch nit  
glismet / oder mit der handt gewürcket / dan die fedem hert auff  
einander ligen / ganz satt als ein Damast / nit so lück / Er ist et-  
licher maß geplümbt / gleych als ein Damast / darunder sind  
etlich Carachteres die sindt bleych geel / vnd etlich diser gestalt  
schie wie ein Ros eysen od Hebreysch S. dz sie schyn heysent.  
Vnd die figur der buchstaben vnd das deplümbt vast dunckel  
das mans nit woll sehen mag / man sey dann nachendt darbey  
Ist villeicht des schuld / das er lang in der erden gelegen ist ver-  
borgen / vnd geflehet do Trier durch die Heyden wider erobertt  
wardt / Vñ das ist villeycht das Joānes der heylig Apostel vñ  
Ewangelist spricht / in seynem Ewangelio / von diesem Rock  
das er incōsutilis sey / das ist on nadt / Et desuper cōtERTA p totū  
das ist oben ganz ombgeben / villeycht mit solchen buchstaben  
gschrieffen vnd blümen / Oder aber nach dem gesatz / als auch  
Christus das saget in seiner lere / wie die Juden breit gschrieffen  
vmb yre kleyder machten / das sie defter erberer vnd frümmer  
schynen / sündelich die öbern / Warumb wolt dann Christus  
Jesus vnser Herr vñ Got / der aller welt ein Rabi vñ Meister  
was / sollich nit volkōmengklich getragen haben / alls ein wis-  
sender aller ding / der dz gesetz nit brechen / sündelich erfüllen wolte  
Ist glauplich das er nit ein sack / oder zwilchen kytzel getragen  
hat / wie woll er sünst arm was willigklich / sündelich seyner gros-  
sen heiligkhey vnd erberkhey nach / so herlich erscheynen / vñ eynt  
solcher glantz aller tugent von im außgesprossen vñ außgangen  
das sündelich zweyffel / ein yeder der in gesehen hat / wie meer er nit  
Begerert zusehen. Diesen heyligen rock sol ym ein yedes christen  
mensch lassen befolhen sein / in seynem hertzen / da er vil grosser

geistlicher Bedeutung auff im hat/vñ außlegung / Als darumb  
das er ganz ist von einem stück / Also soll auch die Christenlich  
kyrch ganz sein vnzerteilt / des gleych d̄ Christen glaub / Item  
die liebe / vnd alle reych vnd regiment / dan es soll sein ein Gott  
ein glaub / ein reych / ein k̄nig oder Keyser / vnd in diser einigkeit  
alle ding beschlossē.

### Von dem Würffel.

**I**tem glauplich ist / das diß der Würffel einer sey / damie  
die diener Pilati vmb den Rock Jesu gespilet haben / Es  
gibt ym auch ein anzeygen vñ scheyn der warheyt / Wan er ist  
beynen vnd groß / vnd stett das es gegen dem taus / das drey ge  
gen dem quatter / der zinck gegen dem seß / Alwegen die mynste  
zal gegen einand / vñ die meynst auch also / wie noch an etlichen  
orten in Welschen landen gewonheit ist / als man saget / Auch  
sindt die augen an dem eß vnd taus vast verblichen / Die augen  
sindt der gestalt / alwegen ein klein ringlein in ein grossen / als  
weren sy dupliert / oder doppel.

### Von der versammlung der fursten.

**E**twas weytter zu sagen / von versammlung der Fürsten  
vnd Herren so zu Trier gewesen sindt auff disem löblichē  
Reychs tag / Nemlich am Montag des heyligen Creutz erfin  
dung / der do was der Dritt tag des Meyen / Vñ die Keiserlich  
Maiestat / im Thumbstiff zu Trier / der hochgebornē weylant  
Fraw Blanca Maria löblicher gedechtnuß seiner elichen gema  
hel / des Herzogen von Meylandts tochter / Ein schön köstlich  
erlich Begencnuß lyess zu richten vnd halten / Vnd am Anderen  
tag darnach / der gleychen für all ander stende / Fürsten vñ Her  
ren / Edel vnd vnedel / die ir blüt zu auffenhaltung des heyligen  
Römischen reychs / in nechst verschinen kryegen oder sunst ver  
gossen haben / vñnd von diser welt geschieden / den Got genad /  
Sunderlich für den hochwürdigisten / weylant Jacoben Erz  
bischoff zu Trier zc. Waren hie bey die nachbenanten / Nemlich

**M**aximilianus Römischer Keiser  
Vriel Erzbischoff zu Mentz Churfürst.  
Philips Erzbischoff zu Köln Churfürst.

Bij

**Von der weltlich vñ Geystlich fur-**  
sten/wie sy dan nach ordnung gestanden sindt.

Hertzog Friderich Pfaltzgrauē bey Reyn hertzog in Beyrn.  
Marggrauē Albrecht von Brandenburg/höchmaister teutsch  
ordens in Preussen.

Georgius Bischoff zu Bamberg.  
Marggrauē Friderich von Brandenburg.

Wilhelm Bischoff zu Strasburg.

Hertzog Ulrich von Wirttemberg.

Marggrauē Cristoff von Baden.

Mathens Bischoff zu Gurck

Berchtoldus Bischoff zu Tholl in Lottringen.

Cosmirus von Brandenburg.

Philips von Baden.

Johann von Brandenburg.

Ernst von Baden.

### **Namen der Botschafften.**

Item vnser aller heyligsten vatters des Babst.

Isē des Königs von Franckenreych ein Bischoff vō Marsiliē

¶ Des Königs von Hispanien. ¶ Des Königs vō Engellant

¶ Des Königs von Nauerra Hertzog Wilhelms vō Beyerñ.

Des Bischoffs vō Wormbs. Des hertzen vō Lothringē

Des Bischoffs vō Würzburg. Des landtgrauē vō Hessen.

Des Bischoffs von Speyr. Graff Wilhelms von Henen-

berg. Des hertzen von Seriers. Der herren auß der Wa-

lachey. Vñ sunst vnzallich vill wolgebomer Grauen/Ritter

vnd knecht. Auch gemeyner stett des Keychs/deren namen mir

vnwissent sindt. Wie bey zu begengknus erschynnen. Vnd gezeu-

gen obgesagter ding worden/durch die ganze welt vñ christen-

heyt zu verkunden.

¶ Was aber auß berieffung obgemelter Fursten vñ herren/

Stett/Ritter vñ knecht/so außbestimpten Keychstag / Durch

vnsern aller Gnedigsten herren dem Keyser beriefft worden

sind/zu kumen indiese heylig Satt Trier/würt man nachfolgē

der zeyt woll vernemen/So söllicher ratschlag mit den werckē

außbricht/Dan gützlich zu bedenken ist/das so vil hoch erfarn  
 men menschen/in aller Teutschen nation/nit etwas vnnützlich  
 betrachten/das do nit diene zu allem nutz/ere vnd frumen/dem  
 heyligen Römischen reych/vñ aller Christenheyt/der ein rech  
 ter arm/ein yeder Christenlicher Keyser billich genandt wirdt  
 mit seynem fingerñ/artickeln/gligerñ vnd gleich/das sindt die  
 anhenger vñ der verwanten dem gemelten Reych/O Got von  
 hymel/der geb vnd verleyhe ynen allen / das sy nit yrem haubt  
 widerstreben/vnnd contract/oder lam scheynen/als ob sye das  
 perlein troffen hett/vnd sich vnuermüglichkeit anneme / Dann  
 dauon möchte groß übel ensten/Sie sindt doch von Godem  
 allmechtigen darzu verordnet in ewigkeit/sölches willigklichñ  
 zu verbringen/ das sy auch zum teil geschworen vñ versprochē  
 haben/fleyssiglichen zu thun/Got geb das es also beschee / vñ  
 nyemandt von dez andern mög klagen/neyden oder verhasen  
 Dan wo söllich einigkeit/bey vnserñ öbern möcht fundē werden  
 so hoffich zu Got / Wir wolten in sölcher einigung / alles das  
 über winden/das vnß möcht anfechten.

Gedrückt zu Nürnberg/durch Herz Hannsen  
 Weysenburger Priester. 1512.

*11. pro H. 2. lejt 1513*



Faint, illegible text, likely bleed-through from the reverse side of the page. The text is arranged in several lines and is significantly faded and obscured by stains.

St. ...



116 645

AB 116645

ULB Halle 3  
004 313 690



f  
sb.

\*



Sonntag  
Theo  
Reise  
In  
einer  
Losey  
Heilig  
167





# Ein wahrhaftiger

tractat wie man das hochwirdig heyligthum verkunde vnd geweißt in der heyligē stadt Trier ym thum . Dar bey die ware hystoria / wie das selb heyligthuz da hin kommē sey. Auch ein schöne taffel von allem heyligthum das zu Trier ist ym thum Mit höchstem fleyß zu samen gesezt : Czu eren dem hochwirdigsten Fursten vñ hern hern Reinhardten Erzbischoff zu Trier vnd Churfursten .

*günstigster*



*Nürnberg 1512.  
Antw. v. d. Beyn. 13.*

